



**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Sectio II. De veritate narrationis in Rescriptis.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

2. Constitutio exequens aliam ab ipsius Contentis Superiore editam similiter, ligat aequaliter, tam Contentem, quam ipsi Subditos. *Citatus Canon huic Constitutionis generi accommodari potest.*

3. Constitutio novum Jus condens circa res nondum praeceptas, nec vetitas, ligat aequaliter Conditoris Subditos; sed cum sibi Legem imponere non possit, cum careat Jurisdictione in se ipsum, Condens in illa non comprehenditur, eodem salem modo, quo sibi Subditi, cum isti ex justitia illam teneantur servare, ille vero tantum ex honestate, in modo nec ad istud quoad penas obligatur.

4. Praelati Inferiores nedum tenentur Superiorum Leges servare, sed etiam invigilare, ut a suis Subditis custodiantur, cum ad hoc aliis partim praeficiantur, unde duplii vinculo tenentur.

Ex his Notatis sequitur, quod pro Regula aliud, hac in re, dari nequit, nisi quod Lex Omnes sibi Subditos aequaliter ligat, pro qualitate Personanum Rerumque, circa quas veratur: eoque modo explicandum Cap. I. de Constitutionibus, Canonum Statuta ab Omnibus custodianter, & nemo in Actionibus, vel Judiciis Ecclesiasticis suo sensu, sed eorum auctoritate ducatur.

Nec refert, quod indistincte loquatur; nam locutiones generales pro subjecta materia, illius exentijs interpretanda sunt, unde, eti Judices omnes iuxta Leges judicare teneantur, permititur Majoribus Magistratibus ex circumstantiis a Legibus recedere, non item Minoribus. *GONZALES in hoc Cap. 13. versus finem.* Id infert ex Authentica Hodiè. C. de Judic.

TITULUS X.

DE RESCRIPTIS.

CAPUT I.

Continens Regulas sive Decisiones à Jure propriis verbis defumptas.

Rescripti nomine intelliguntur Speciale quoddam Mandatum, quod à Principe impetratur, seu ad Judices obtinendos pro finiendis Litibus, seu ad Beneficium aut Gratiam quamcumque consequendam: *Prius* appellatur Rescriptum Justitiae; *Posterior*, Rescriptum Gratiae.

De Rescriptis Pénitentiariae Romanae, vide Bullam LIII. PII. IV. In sublimi. anni 1562. Bullarii Tom. II. p. 69.

Hic porrò præcipue agimus de Rescriptis, quæ à Sede Apostolica, sive à Romano Pontifice emanant, quorum frequens in Gallia usus, sive cum appellatur à Sententiis Ordinariorum, sive cum impetrantur Dispensationes, Absolutiones, & alia Gratiae obtinentur.

Rescripti Exemplar Epistola JOANNIS VIII. 122. Tom. IX. Conc. pag. 90. Multis autem nominibus haec Rescripta solent in Jure appellari, aliquando enim simpliciter dicuntur *Litteræ Apostolice*, aliquando, *Mandata*, *Commissiones*, *Decreta*, *Litteræ Justitiae*, *Beneficia Gratiae* &c. In quibus omnibus, haec potissimum spectari possunt, scilicet Narratio eorum, qua petuntur, ut vera sit Forma Mandati, quæ Gratiam vel Judices concedit, & ejusdem Executio qua ratione fieri debeat.

SECTIO I.

Quid sit, & Quotuplex Rescriptum?

I. **U**bi certum nihil expressum est, nihil certum inde Papa potest respondere. *De Sponsalibus Cap. de Muliere.* LIB. IV. DECR. TIT. I. CAP. 6. fin. II. Rescriptum Gratiae est, cum gratiose aliquid à

Romanico Pontifice conceditur. *In VI. de Rescriptis C. si gratiose. init. LIB. I. TIT. III. Cap. V.*

III. Gratia est, quam super Beneficio à Sede Apostolica aliquis impetravit. *ibid. Cap. 7. Gratia. init.*

IV. Litteræ Justitiae, sunt Litteræ ad Judices datae. *de Filiis Presbyterorum. Cap. Ex sua. LIB. I. DECR. TIT. XVII. Cap. 9.*

V. Litteræ Apostolicae Justitiam continent, per quas dati Judices in Causis Personarum, possunt, iuxta earum tenorem provide procedere. *EXTRAVANG. JOAN. XXII. De Concessione Præbenda Cap. Sedes. in fin. TIT. IV. C. 1.*

VI. Litteræ, quæ de simplici Justitia formam habent, possunt facile obtineri. *De Crimine falsi. Cap. accedens LIB. V. DECR. TIT. XX. Cap. 8.*

VII. Papa motu proprio alicui Gratiam facit, & Gratia hujusmodi de sua merita liberalitate procedit. *In VI. de Præb. Cap. si motu. LIB. III. TIT. IV. Cap. 23.* Papa ad petitionem alicuius, vel alterius pro eo oblatam, gratiam facit. *ibid.*

VIII. Litteræ sunt Monitoriae, Praeceptoriae alicui, & Executoriae, contraria aliquem, alii directæ. *De Rescriptis. Cap. Ex Insinuacione. LIB. I. DECR. TIT. III. Cap. 37.*

IX. Speciale Mandatum derogat Generali. *De Rescriptis. Cap. Sicut. C. Pastoralis. LIB. I. DECR. TIT. III. Cap. I. & 14. De Officio Legati. Cap. Studiisti. §. Responsu- demus. LIB. I. DECR. TLT. XXX. Cap. 2.*

X. Decreti irritant Forma est, cum in eo apponitur Clavula (etiam inane Decernentes & irritum) Si secus à Quoquam quivis auctoritate contigerit atten- tari. *CLEMENTINARUM de Concessione Præbenda Cap. unico. init. Colligitur. LIB. I. TIT. III. Cap. un.*

XI. Decretum Conlitionale est, cum mandatur aliquid, si res quæpiam fiat. *CLEMENTIN. De Concess. Præb. Cap. un. LIB. III. TIT. III. Cap. unico. Collig- gitur.*

XII. Decretum Conditionale in eventum duntaxat postularum Conditionum suum fortuit effectum. *ibid.*

XI. Rescriptum sub Conditione datum, non fortuit effectum usque in Conditionis eventum. *De Rescriptis Cap. Si pro te. LIB. I. DECR. TIT. III. Cap. 13.*

XIV. Si pendente Conditione, Alius Gratiam purè impetrat, præferri debet ei, qui posuit Conditione alias obtineret. *ibid.*

SECTIO II.

De veritate Narrationis in Rescriptis.

I. **R**escripta, quæ subreptione vel falso precibus forsan impetrantur, nullum possunt Suppli- cantibus ferre remedium. *CAUS. XXV. QUÆST. II. Cap. 16. Dicenti.*

II. Litteræ per malitiam & mendacium obtenta non valent. *De Rescriptis Cap. Sedes LIB. I. DECR. TIT. III. Cap. 1.*

III. Litteræ per Veri suppressionem, sive tacita Veritate, obtenta, non valent nec conferunt Jurisdictionem. *de Filiis Presbyterorum. Cap. Ad presentiam LIB. I. DECR. TIT. XVII. Cap. 2.*

IV. Subreptio confetur, cum tacitum est, quod, si fuisset expreßum, obtineri minimi potuisset. *De Sententiis & Re Judic. Cap. Cum inter. §. Cum consti- tute. med. LIB. II. DECR. TIT. XXVII. Cap. 20.*

V. Qui per fraudem vel malitiam, falsitatem exprimit, vel supprimunt Veritatem; nullum ex illis Litteris Commodum in sua Perveritatis penam con- sequuntur. *De Rescriptis. Cap. Super Litteris. LIB. I. DECR. TIT. III. Cap. 20.*

VI. Cum aliquis illa expressit, & suppressit, quæ si fuissent tacita, vel expresa, tales Litteras minimè dedissemus; per hoc appetit, ipsum exitissime indignum Gratiam, quam duxeramus ei ex Benignitate Apostolica faciendam. *De Temporibus Ordinat. Cap. Dilectus. fin. in init. LIB. I. TIT. XI. Cap. 15.*

VII. Si

SECTIO III.

Quandonam Forma Rescripti reddatur invalida.

I. R e scripta contrà Jus elicita ab omnibus Judicibus refutari debent, nisi forte aliquid est, quod non laetatur alium & proficit Petenti, vel crimen Supplicantibus obtineat. CAUSA XXV. QUÆST. II. Cap. 15. *Rescripta*. Vide quæ subiungit GRATIANUS.

II. Rescriptum non derogat Constitutioni, nisi facta de illâ expressâ mentione. *De Rescriptis*. Cap. Nonnulli. §. 1. LIB. I. DECR. TIT. III. Cap. 28.

III. Adeò Scripta Sedis Apostolicae moderarum, ut ex certa scientia nihil in eis faciamus apponi, quod de Jure deceat reprehendi. *De Rescriptis*. Cap. Cùm adeò. init. LIB. I. DECR. TIT. III. Cap. 17.

IV. Si quis Litteras Apostolicas impetrat contrà aliquod Jus sive Concilium, debet in iis de ipso Jure sive Concilio mentionem facere. *De Capillis Monachorum*. Cap. Ex parte. §. Cùm autem. GLOSSA coll. LIB. III. DECR. TIT. XXXVII. Cap. 3.

V. Cùm aliquid obviat Generali Concilio, de quo nulla mentio est in Litteris; hujusmodi Litteras ab Apostolica Sede non credendum est emanasse. *ibid.*

VI. Si per Occupationem forsitan emanaverint, non valent, nec per hoc derogatur Concilio supra dicto. *ibid.* fin.

VII. Non est credendum, Romanum Pontificem, qui Jura tuerit, uno verbo voluisse subvertere, quod alias multis vigiliis est inventum, & excogitatum. *De Electione*. Cap. Ecclesia Vesta. LIB. I. DECR. TIT. VI. Cap. 57.

VIII. Rescriptum contrà Privilegios, non facta de eorum privilegio mentrione, non valet. *De Rescriptis*. Cap. Cùm ordinem. LIB. I. DECR. TIT. III. Cap. 6.

IX. Per Mandatum Apostolicum justæ Consuetudini non intelligitur derogari. In VI. *De Probendis &c.* Cap. Cùm in Ecclesia. LIB. III. TIT. IV. Cap. 25.

X. Rescripta sine Causâ cognitione sunt subreptiones. *ibid.* Cap. Ex parte. LIB. I. DECR. TIT. III. Cap. 2.

XI. Littera per ignorantiam, vel negligentiam, vel etiam subreptionem impetrata non valent. *De Sent. Excomm.* Cap. Si aliquandò. fin. LIB. V. DECR. TIT. XXXIX. Cap. 41.

XII. Rescriptum, impetratum præter Romanæ Ecclesiæ consuetudinarij stylum, non valet. *De Sent. Excom.* Cap. Ad hæc. GLOSSA colligit. LIB. V. DECR. TIT. XXXIX. Cap. 12.

XIII. Non valet Rescriptum ad habendos Judices, in quo non fit mentio Appellationis prius à se factæ in eâdem Causâ. *De Rescriptis*. Cap. Ex parte. LIB. I. DECR. TIT. III. Cap. 12.

XIV. Non valent Rescripta, per quæ aliquorum negotiâ omnia unius Judicis, vel plurium, quos sibi elegerint, arbitrio committuntur. *ibid.* Cap. Ad hæc. sive Cap. 10.

XV. Sic enim fieret, ut ad Judices Parti Adversæ suspectos recurrerent. *ibid.*

XVI. Apostolica Littera, quas sine speciali Mandato Domini quis impetrat, valere non debent, nisi sit de illis Personis, à quibus non est exigendum de Jure Mandatum. *De Rescriptis*. Cap. Ex parte. LIB. I. DECR. TIT. III. Cap. 33. §. Quia vero.

XVII. Minus valere debent Litteræ, quæ impetrantur ab illo, à quo Mandatum Dominus revocavit. *ibid.* fin.

XVIII. Si aliquis super aliquâ Quæstione sine speciali Mandato Domini Litteras Apostolicas impetrare presumperit, & Litteræ illæ non valeant, & ipse tanquam Falsarius puniatur. *De Rescriptis*. Cap. Nonnulli. §. penultimo Cùm autem. LIB. I. DECR. TIT. III. Cap. 28.